

1-iyun – Xalqaro bolalarni himoya qilish kuni

Tong yulduzi

Vatan yagonadir,
Vatan bittadir!

N: 21 (67238)
2019-yil 27-may

www.tongyulduzi.uz

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi ISSN-2010-6092

SEN YURTIMNING ERTASI

Sen yurtimning ertasi,
Olov so'zim bo'lib yon.
Dil hayotim erkasi,
Quv nab yurgin, bolajon.

Bu dunyoning yulduzi,
Momiqqina qunduzi.
Yangi kunning kunduzi,
Quv nab yurgin, bolajon.

Bobong qo'li duoda,
Baxting yo'li duoda.
Yashar cho'ling duoda,
Quv nab yurgin, bolajon.

Sen bo'lasan Navoiy,
Bobolaring Buxoriy.
Jaloliddin suvoriy,
Quv nab yurgin, bolajon.

Odam dunyoga mehmon,
Biyrongina javobxon.
«Spark»i bor kitobxon,
Quv nab yurgin, bolajon.

Kelajakda suyanchim,
Ishonchimsan, tayanchim.
Keksayganda yupanchim,
Quv nab yurgin, bolajon.

Osoyishta har tuning,
Quvonch-la o'tsin kuning.
Oltin bo'lsin ustuning,
Quv nab yurgin, bolajon.

Otabek ORTIQOV,
poytaxtimizning Shayxontohur tumanidagi
169-umumta'lim maktabining
9-«A» sinf o'quvchisi

Mamlakatimizdagi barcha umumta'lim
muassasalarida 2018–2019-o'quv yili
yakunlandi, 1- va 11-sinf o'quvchilari ishtirokida
«So'nggi qo'ng'iroq» tadbirlari bo'lib o'tdi.

BOLALARNING NURLI DUNYOSI

Yurtimizda farzandlarimiz kamoloti uchun yaratilayotgan barcha sharoitlar, ular qarshisidagi imkoniyatlar uchun Prezidentimizdan behad minnatdorman. Bolalar dunyosida uzoq yillardan buyon faoliyat yuritayotgan inson sifatida bu e'tibor barchani birdek quvontiriyapti, xalqimizning ertangi kunga, kelajakka bo'lgan ishonchini mustahkamlayapti, deb baralla ayta olaman.



Xudoyberdi TO'XTABOYEV,
O'zbekiston xalq yozuvchisi

bog'chalar, maktablar qad rostlayapti. Davlatimiz rahbari yurtimizdagi hech bir o'g'il-qiz, ularning ma'naviy-ma'rifiy intellekti e'tibordan chetda qolmasin, deyaftillar. Fan, ta'lim, san'at, adabiyot, madaniyat sohasidagi buyuk allomalarimiz nomi dunyoga tanilgan. Bugun biz jajji bolakaylarimiz kamolotiga alohida e'tibor qaratsak, o'sha buyuklik oqimi mavj urib, yetuk olim-u fuzalolar kamol topishi tayin. Boga'larimizda bo'layotgan bunday e'tibor va g'amxo'rlikdan ularning kamoloti osmon qadar yuksaklarga ko'tarilishiga aminman.

Barcha sharoitlarga ega yangi-yangi zamonaviy



MENDA BIR TAKLIF BOR

Go'zal yurtimiz tabiatini, atrof-muhitni asrash har birimizning insoniy burchimiz sanaladi. Lekin keyingi paytlarda ba'zi insonlarning tabiatga bo'lgan e'tiborsizligi, ekologiya qonun-qoidalariga rioya etmasligi natijasida bir qancha jiddiy muammolar yuzaga kelmoqda. Biz esa bunday hollarning oldini olishga harakat qilmog'imiz lozim.

Bizning qishloq tog' bag'rida joylashgan. Bahor oylarida tog' bag'rida hordiq chiqarish maqsadida kelganlarning soni ortadi. Achinarli jihati shundaki, dam oluvchilar ketishgach, bu yerlar chiqindixonaning o'zginasi bo'lib qoladi. Bunday manzarani ko'rgan odamning dili xufton bo'ladi. Yana bir o'ylantiradigan tomoni, ba'zi dam oluvchilar olov yoqish uchun endi kurtak yoza boshlagan daraxt shoxlarini sindirib olishadi. Tog' bag'ridan sharqirab oqib tushayotgan daryo suviga turli chiqindilarni uloqtirishlari ham kishini ranjitadi.

Bundan tashqari, hozirgi kunda noyob tur sifatida «Qizil kitob»ga kiritilgan, tog' ko'rki sanalmish lolalarini vaqtinchalik ko'ngilxushlik uchun uzib olishadi. Bunday muammolarga qarshi kurashilmasa, albatta, tabiat ayanchli holga kelib qoladi.

Tog', adirlarimiz chiqindixonaga aylanmasligi uchun

shoxlari sinmas, lolalar behudaga uzilmas edi.

Mahallalarda ham «Toza hudud», «Toza atrof dilga nur» kabi tadbirlar tashkil etilsa, ekologik muammolarga qarshi kurashish hamamizning burchimiz ekanligini barcha anglab yetishiga ishonaman.

Singlim ikkimiz maktabimizdagi «Yosh tabiatshunoslar» to'garagi a'zolarimiz. To'garak a'zolari bilan yaqinda maktabimiz bog'ida «Tabiatshunoslar» bog'ini tashkil etdik. Bunday xayrli ishdan so'ng to'garagimiz a'zolari soni yanada ortdi. Mashg'ulotlarda ustozlarimizdan o'rganagan bilimlarimizga tayanib, singlim va men uyimizda xonaki gullar parvarishini ham yo'lga qo'ydik.

Har bir yosh tabiatga mehr qo'ymas ekan, ekologik muammolarni bartaraf eta olmaymiz. Shuning uchun ham barchamiz birdek kurashmog'imiz lozim.

Bortiqqa nazar sol, qanday maftunkor,
Yerga cho'p-niholni qadagin bir bor.
Ayanchli ahvolga kelmasdan avval,
Ona tabiatni asraylik, do'stlar!

Kelinglar, beraylik qo'llarni-cho'lga,
Tog'lar aylanmasin saхро-yu cho'lga.
Mehr ber tabiatga, qara o'ng-so'lga,
Ona tabiatni asraylik, do'stlar!

Laylo ESONMURODOVA,
Qashqadaryo viloyati,
Kitob tumanidagi 5-umumta'lim maktabining 10-sinf o'quvchisi



«ONA JONIM TABIAT» tanloviga

Soyabon bo'lib senga,
Doim toza saqlaymiz.



Mubinaxon AHROROVA, Sirdaryo viloyati,
Mirzaobod tumanidagi 1-umumta'lim maktabining 2-sinf o'quvchisi

Suv-hayot manbai!



Nilufar KELDIBEKOVA,
Jizzax shahar ixtisoslashtirilgan san'at maktabining 5-sinf o'quvchisi



San'at TOHIROV,
Buxoro viloyati,
G'ijduvon tumanidagi 15-umumta'lim maktabi o'quvchisi

Tabiatga imkon bering!



Mukarram MIRJALILOVA,
poytaxtimizning Olmazor tumanidagi 25-Bolalar musiqa va san'at maktabining 6-sinf o'quvchisi

Sayyoramizni asrang!



Zahroxon MUHAMMADJONOVA,
Farg'ona viloyati,
Beshariq tumanidagi 26-umumta'lim maktabining 3-«G» sinf o'quvchisi



Dunyodagi bebaho ne'mat

Madina UMAROVA,
poytaxtimizning Olmazor tumanidagi 25-Bolalar musiqa va san'at maktabining 2-sinf o'quvchisi

Onajonim tabiat tanloviga miani hoshimizdagi gul-u rayhonlarni suga
Hosilimiga kirsangiz, ko'hamidan yuzingiz ramis
Uyimiz bobomiz zining sayhatnoma as- Qishloqimida daryo chiqindixonalar yoz
vada qishloqimiz Pappona shunday tariffa - Chunki pochog'larini mol-holga beramiz lolalar
ganlar. nalarini o'zida saqlashga harakat qilamiz. Sh
Pappona ajoyib joy ekan. holda, turli kasalliklar tangaluvchi pashshalar
Bir kisha kitgan soy ekan. kopayishiga inson yaratgan bolamiz. Bakkajiz
Salyar suya hay-kay ekan, lariga mosh guruch, loviylar solib qo'yamiz.
Kim kirsiz, hayy-mang ekan. Kopayib ketsa, maysus joylarga topshuramiz.
Qishloqimiz tog' yon bag'rida joylashga: tta bahonda dastlarimiz bilan 82 uyimiz at-
ni uchun havo bu yerdagi shilobash suv rofisi obodonlashtirishga qaror qildik. Har biri
lari bolgan uchta dam olish maskanidan mis uyimiz atrofiga gullar shdik daraxtlarni
dam oluvchilarning qadami usulmaydi. Uva oyladik va yosh nihollar shdik foshat shishimiz
li bog'larimizni kirisib del yayraydi. da albatta, kattalar bosh-gosh b'lishdi. Bara-
Tabiatni insonlarga ana shunday bi- halle, yer beragan ham bolmas, deb olgab ham
baho ne'matlar ato etgani uchun ham qo'yshdi.
qadrlashimiz kerak. Dadidan ushityarim Ona-yrimlarning qada-gimmati, saovatli baqiyos-
bor, shihatgoklardagi o'sha suvdan ichib, dir. U jamiki boyliklarning noz-ne'matlarining onasi
yam-yashil archiborlar oralay toyib-to- hivoblaradi. Shunday ekan, yurtimiz obod, ozoda, tabiat
yib nafas olak, kasal bolmas. Khanimiz muvaffo bolishiga, har birimiz oz hissamini qoshaylik.
Buning qishloqda arigandan ogib otayot Zahroxon MUHAMMADJONOVA 2019.10.14
gan suvlariga chiqindilarni tushlarnmay. Farg'ona viloyati, Beshariq tumanidagi 26-
di. Bu suv bilan mavali daraxtlari- umumta'lim maktabining 3-2 sinf o'quvchisi.

**O'QUVCHI
SO'Z SO'RAYDI**



Mashhuraxon XO'JAAHMADXONOVA,
Namangan viloyati, To'raqo'rg'on tumanidagi
Is'hoqxon Ibrat nomidagi maktab-internatining
11-sinf o'quvchisi:

– Qo'ng'iroqning jarangdor sadolari yangradi...
«So'nggi qo'ng'iroq!» Negadir bu so'zni eshitganimda,

MENI KUTING, USTOZLAR!

o'zimga sig'may sevinardim. Ammo hozir qalbimdan turfa xil qarama-qarshi o'ylar birin-ketin o'ta boshladi.

Sinfdoshlarimga, ustozlarimga va jonajon maktabimga qarata ovozimni boricha, «Men sizlarni yaxshi ko'raman», deya hayqirgim keldi, shu tobda. Menga shu kungacha yordam qo'lini cho'zgan, bilmaganlarimni o'rgatib, joiz bo'lsa, tanbeh berib, to'g'ri yo'lga chorlagan ustozlarimning ismlari birma-bir tilimga keldi: shoir Rustam Mirvohid, jurnalist Osiyo Jaylabova, ona tili va adabiyot fani o'qituvchisi Muyassar Boqixonova. Bu mo'tabar insonlar menga ijod qilishni, xalqning dardi bilan yashashni o'rgatishdi.

Ayniqsa, «Tong yulduzi» gazetasining tinib-tinchimas ijodkorlari men bilan misoli o'z farzandidek suhbatlashdilar. Yo'l-yo'riq, maslahatlar berdilar. Sizga o'xshagan yosh muxbirlar bizga kerak, deyishganida, juda quvonganman. Va'da beraman, yetuk jurnalist bo'lgach, qadrdon maktabim bag'riga, albatta, borib turaman. Meni kuting, ustozlarim!

BAYRAM OILADA DAVOM ETSINI!

Anvar OBIDJON,
O'zbekiston xalq
yozuvchisi:

– Yurtimizda turli katta bayram, tantanalar ko'p. Lekin 1-iyun – Xalqaro bolalarni himoya qilish kuni ham mening nazarimda eng tantanavor ayyom. Zero, bolalarsiz oilaning fayzi, davlatning kelajagini tasavvur qilib bo'lmaydi. Ular hayotimizning mazmuni, quvonchidir. Bugungi



kunda mamlakatimizda yosh avlodning ta'lim-tarbiyasiga katta e'tibor qaratilmoqda. Aslida, bolajonlar uchun kitob bayrami kabi turli festival-u tadbirlar juda ko'p o'tkazilmoqda. Lekin har yili alohida nishonlanadigan bolalar bayramini yildan yilga yanada kengroq tantana qilinishini istardim. Shu kuni har bir oilada ham bayram shukhi kezhishini, farzandlarga kitoblar sovg'a qilinishini xohlardim. Men ham barcha oilalarni, butun yurtim bolalarini va bolalar ijodkorlarini bu bayram bilan tabriklayman.



MENING MAKTABIM – MENING UYIM

**NAVBATDAGI
MANZIL:
JANUBIY AFRIKA**

Olimjon OLIMOV,
Buxoro viloyati,
Qorako'l tumanidagi
1-DIUMning 9-sinf o'quvchisi:



– Turli olimpiadalarga tayyorgarlik, ishtiroklar bilan mazkur o'quv yilining poyoniga yetib qolganini ham sezmay qolibman. Bu yil men 9-sinfni muvaffaqiyatli yakunladim, deyishga arzigulik asoslarim bor. Shu yilning fevral oyida bo'lib o'tgan xalqaro «Uchinchi ming yillik/Hamjihatlik formulasi» nomli matematika olimpiadasida kumush medal, «Lomonosov» nomli matematika olimpiadasida ham g'alaba qozondim. O'quv yilining so'nggi oyida esa Samarqandda o'tkazilgan saralash bosqichidan o'tib, avgust oyida Janubiy Afrika Respublikasida bo'ladigan xalqaro matematika olimpiadasida qatnashish baxtiga erishdim. Demak, anglaganingizday, yozgi ta'tilga ham rejalarim tayyor.

Shu o'rinda yil davomida meni qo'llagan ustozlarim va maktabimiz direktori Temur aka Ro'ziyevga minnatdorchilik bildirdim. Menga ilm ortidan dunyo mamlakataridagi bilimdonlar bilan ko'rishish, do'stlashish nasib etayotganidan xursandman.



Ibrahim RIXSIBOYEV,
poytaxtimizning Olmazor tumanidagi
1-umumta'lim maktabining 11-«V» sinf o'quvchisi:

– Men uchun bugungi qo'ng'iroqning o'zgacha jarangi bor. Bu qo'ng'iroq maktab bag'rida kechgan onlarimning guvohidir. O'n bir yil mobaynida ahamiyat berib qaramagan ekanman, bu ovoz juda yoqimli va ardoqli ekan.

Birinchi sinfda ko'zimdagi yosh bilan rahmatli dadamning qo'llaridan tutib borgan edim. O'sha kezlarda o'zlashtirish qobiliyatim ozgina sust bo'lgani uchunmi, meni ustozlar va o'quvchilar qabul qilishlari biroz qiyin kechgan. Shu damda katta ishonch bilan qo'limga tutgan birinchi ustozim Gulmira opa edi. Menga ilk bor ezgu fazilatlarini qalbimga singdirgan o'qituvchimdan bir umr minnatdorman. Yuqori sinfga chiqqan paytlarimda adabiyot fanidan saboq beruvchi ustozim Nilufar opa menga bir gap aytgan edilar:

– Sen ijod olamiga kirib kelayapsan. Bu juda katta mas'uliyat talab qiladi. Kelajakda katta adib bo'lib, noming darsliklarga kiradi, – degan edilar. Men ustozimning bu dil so'zlarini oqlashga va kelajakda ustozimdek bo'lishga ahd qildim.

**SIYLANGAN O'QUVCHI
MAS'ULIYATI**

Otabek BAKIROV, Toshkent viloyati,
Angren shahridagi 27-umumta'lim
maktabining 11-sinf o'quvchisi:

– Ustoz! Bu so'zni eshitishim hamonoq ko'z oldimga Hilola va Mukambar Do'sanova singari mehdaryo insonlar keladi. Ayniqsa, bizni har tomonlama qo'llab-quvvatlagan ustoz Dilafruz Razzoqovadan bir umr qarzdorman. Xoh ma'naviy, xoh moddiy ko'mak bo'lsin, hech qachon rad etmagan shunday insonim borligidan xursandman. Bir maqolamda Dilafruz opa «Maktabimiz qalbi» deya baho berganining ham haqiqat. Ijoddagi ilk ustozim farg'onalik jurnalist Klara Hamroqulova bo'lgan. Ayni kunlarda «Dovon jilg'alari» yosh ijodkor to'garagi rahbari Muhabbat Abduqodirovadan ijod sirlarini puxta o'rganmoqdaman. Bugungi yutuqlarim sababchilari ham mana shu ikki aziz ustozimdir. Men uchun o'z so'zimni aytguvchi minbar hamda tajriba maktabi vazifasini o'tab kelayotgan «Tong yulduzi» gazetasi ijodkorlarini ham ustozlarim deyman. «Tong yulduzi» xodimlarining maslahatlari, taklif va tabriklari qo'limga qalam olgan ilk yillarimdanoq qalbimga muhrlangan. Tasavvur qiling-a, oddiy qishloq bolasiga Respublika gazetasi Bosh muharriri telefon qilsa, maktabiga tashrif buyurib, taqdirlasa.

Ustozlardan bisyor siylangan o'quvchi sifatida yelkamdagi mas'uliyatni ham his qilaman. Yillar mobaynida ulardan ko'p bilim oldim, endi bilganlarimni ezgu ishlarga sarflash mening vazifam. Bu yo'lda mehnat va izlanishdan to'xtamayman.

NODIRA va SAYYORA yozib oldi

ORZULARI OSMON BOLAJON



Yoqutxon RAHIMOVA,
O'zbekiston Yozuvchilar
uyushmasi a'zosi

Dunyodagi eng baxtli inson tinch-osuda yurtida ulg'ayayotgan farzandlarining kamolini ko'rgan ota-onadir.

Mening shirindan shakar kichkin-toylarim! Bugun sizlarning – qalbi beg'ubor bolajonlarning bayrami. Aslida, faqat birinchi iyun emas, har bir o'tayotgan kuningiz bayramdir. Har biringizning orzularingiz osmon qadar. Ishonamanki, siz ularga, albatta, erishasiz! Chunki yurtimizda nimaiki qilinayotgan ishlar bo'lsa, barchasi sizning porloq kelajagingiz uchun. Har doim shunday yuksak marralar tomon qadam tashlang.



Poytaxtimizning Yunusobod tumanidagi 259-umumta'lim maktabining 4-«A» sinf o'quvchilari bilan «Xayr boshlang'ich ta'lim» deb nomlangan tadbir bo'lib o'tdi.

MAKTABIMIZDAN ZO'R RASSOMLAR CHIQAADI

Maktabimizda fidoyi, jonkuyar ustozlarimiz talaygina. Ana shunday ustozlardan biri bo'lgan tasviriy san'at fani o'qituvchisi Sunnatilla Usanboyev bizga rasm chizishning sir-u sinoatlarini o'rgatib kelmoqda.

Tasviriy san'at fani darsiga barchamiz ishtiyok bilan tabiat manzaralari, o'zimiz sevgan natyurmort, uy hayvonlari, gullarning rasmini chizamiz. Topishmoqlar yordamida xayolan rasm chizamiz. Sinfoshlarimiz Yulduz Ahmadova va Odina Jo'raboyeva viloyatimizda bo'lib o'tgan rasmlar galereyasida diplom bilan taqdirlandi. Ularning bunday yutuqqa erishishda rasm fani ustozimizning o'rni kattadir.

Kelajakda bizning maktabimizdan ham buyuk rassomlar yetishib chiqadi, deb ishonch bilan ayta olamiz.



Hulkaroy OMONQULOVA, Zebo OMONQULOVA, Shahrizoda JO'RAYEVA, Husnida YO'LDOSHEVA, Sirdaryo viloyati, Boyovut tumanidagi 34-umumta'lim maktabining 6-«B» sinf o'quvchilari

«KAMALAK» YULDUZI»MAN

Men kitob o'qishga, san'at va adabiyot namoyandalarining hayoti va ijodini o'rganishga juda qiziqaman. Shuningdek, 3-sinfimdayoq hikoyalar yozishni, 5-sinfidan she'rlar mashq qilishni boshlaganman.



Yaqinda ona tili va adabiyot fani o'qituvchimiz Sayyora opa Jumaniyozovaning taklifi bilan «Kamalak» yulduzlari» nomli ko'rik-tanlovda qatnashib, «F» yo'nalishi (nazm, nasr, masal)da o'z iqtidorimni namoyon etdim. Maktab, tuman, shahar bosqichlarida birinchi o'rin egallab, g'oliblikni qo'lga kiritdim.

Hayajonim cheksiz. Ushbu tanlovda ishtirok etishni maslahat berib, menga ishonch bildirgan ustozim Sayyora opadan juda minnadorman.

Servarbek ELBOYEV, poytaxtimizning Yakkasaroy tumanidagi 118-umumta'lim maktabining 8-«B» sinf o'quvchisi



Ustoz sinfdan tashqari o'qish darsida bizga doimo kitob bilan do'st bo'lishni uqtirdilar. Biz kitob va gazeta-jurnallardan o'qiganlarimizni bir-birimizga so'zlab berdik. Buni qarangi, oradan bir zumda to'rt yil o'tib ketibdi. O'quv yili tugab boshlang'ich sinfni tamomlar ekanmiz, ustoz bilan xayrlashuv onlaridan juda hayjondamiz. Ustoz bizga, «Biz katta bir oilamiz», degan gaplarini unutmagan holda yuqori sinfda ham ahilligimizni yo'qotmay, ularga munosib o'quvchilar bo'lishga va'da beramiz.

Toshkent shahar, Yashnobod tumanidagi 244-umumta'lim maktabining 4-«B» sinf o'quvchilari

Fanlardan imtihonlarga shaylanayotgan aziz o'quvchim! O'quv yili mobaynida fanlarni qay darajada o'zlashtirganingizni sinovdan o'tkazadigan onlar yaqin.

BITIRUVCHILAR SINOVGA SHAY

O'quv yili mobaynida fanlarni qay darajada o'zlashtirganingizni sinovdan o'tkazadigan onlar yaqin. Xorazm viloyati, Bog'ot tumanidagi 3-umumta'lim maktabining biologiya fani o'qituvchilari Po'lat Yusupov, Shahlo Mirzayeva, Asal Tillayeva hamda ingliz tili o'qituvchilari Nasiba Rahimova, Dilbar Rajabboyeva 11-sinf o'quvchilarini imtihonlarga tayyorlashni allaqachon boshlab yuborishgan.



sovg'adan o'qituvchi-yu o'quvchilarning boshi ko'kka yetdi. Endi «Yosh kitobxon» respublika ko'rik-tanlovida xorazmlik o'quvchilarning qo'li baland kelsa, ajabmas... Imtihonlarga kelsak, sizga ham bo'lajak sinovlardan muvaffaqiyatli o'tib, ustozlaringiz yuzini yorug' qilishingizga tilakdoshmiz.

Ozoda **TURSUBOYEVA**

YAXSHI BO'LING!

Umida **ABDUAZIMOVA**, shoirasi:

Aziz bolalar, siz gul-u lolalarimiz!

Sizni parvarishlab sevmay, hamma yaxshi narsalarni sizga ilinmay bo'ladimi?!

Axir siz bizning davomchilarimiz, ertangi kunimizning egalardirsiz!

Qolaversa, «bolam-bolam» demoqlik Odam Ato, Momo Havomizdan merosdir.

Chunki ularning bolalari bo'lgan...



Biz esa kattalarga hurmatda, kichiklarga izzatda bo'ladigan bolalarimizga mehrimiz bo'lakchadir. Bu dunyoda yurakdan qilingan duo, beminnat qilingan yaxshilik qoladi. Siz bilim oling, davrimizning eng ilg'or, bilimdon insonlari bo'ling. Duo olishni, mehr-oqibat ko'rsatishni unutmang. Yaxshilik qilishdan charchamang. Yaxshilarga yondashib, yomarlardan adashib yurganlarim, sizning ertangiz bor. Oldinda qiladigan ishlaringiz bisyor! Hammaga yoqimli, hammaga suyumli bo'lib yashang. Eng kerakligim, beg'ubor yurakligim – bolajonlarim! Yaxshilar safida bo'ling! Yaxshi bo'ling!

BILIM MASKANIGA TUHFA

Maktabning sobiq bitiruvchilari o'ziga xos sovg'a bilan tashrif buyurishdi.

Hozirgi kunda Xatirchi tuman hokimining iqtisodiy masalalar bo'yicha o'rinbosari Vohid Avlonov 40 dona badiiy kitob, Navoiy viloyati «Jismoniy tarbiya va sport boshqarmasi sportning o'yin turlari va yengil atletikaga ixtisoslashtirilgan bolalar va o'smirlar sport maktabi» direktori G'ulomiddin Utayev 44 turdagi kitoblarni sovg'a qilishdi. Prezidentimiz tomonidan ilgari surilgan 5 ta tashabbusning mazmun-mohiyati haqida tushuncha berib, o'quvchilik davrida erishgan yutuqlari bilan o'rtoqlashdi.

Ahmad EHMURODOV,
Navoiy viloyati, Xatirchi tumanidagi 4-umumta'lim maktabining chizmachilik fani o'qituvchisi

Lesson 21

LIKE AND AS

Like – kabi, singari, o'xshagan, o'xshab, xuddi, o'zidek.

Like – predlog hisoblanadi. Like dan keyin «ot», «olmosh» yoki «ing» shakl ishlatiladi. E.g *It's raining again. I hate weather like this.* (Yana yomg'ir yog'ayapti. Xuddi shunday havoni yomon ko'raman).

«What's that noise»? It sounds like a baby crying. («Anavi qanday tovush? Chaqaloq yig'layotganga o'xshaydi).

«As» dan keyin ega va kesim ishlatiladi. E.g *They did as they promised.* (Ular va'da berishgandek qilishdi).

Quyidagi misollarda «like» va «as» ni solishtiring.

You should have done it like this (Sen buni mana bunday qilganingda, yaxshi bo'lardi).

You should have done it as I showed you (Sen buni ko'rsatganimday qilganingda, yaxshi bo'lardi).

Put in like or as

- Your English is very fluent. I wish I could speakyou
- This house is beautiful. It is a palace
- I wish I had a car ... yours
- I think I prefer this room It was before we decorated it.

Mohira RAKHMATOVA,
the teacher of school № 274 Yunusabad district, Tashkent region

INTELLIGENCE QUOTES

A smart man makes a mistake, learns from it, and never makes that mistake again. But a wise man finds a smart man and learns from him how to avoid the mistake altogether.

Roy H. WILLIAMS

THE THREE TYPES OF PEOPLE

A teacher shows three toys to a student and asks the student to find out the differences. All the three toys are seemed to be identical in their shape, size and material. After keen observation, the student observes holes in the toys. 1st toy it has holes in the ears. 2nd toy has holes in ear and mouth. 3rd toy has only one hole in one ear.



Than with the help of needle the student puts the needle in the ear hole of 1st toy. The needle comes out from the other ear. In the 2nd toy, when the needle was put in ear the needle came out of mouth. And in the 3rd toy,

when the needle was put in, the needle did not come out.

First toy represent those people around you who gives an impression that they are listening to you, all your things and care for you. But they just pretend to do so. After listening, as the needle comes out from the next ear, the things you said to them by counting on them are gone. So be careful while you are speaking to this type of people around you, who does not care for you.

Second toy represent those people who listens to you all your things and gives an impression that they care for you. But as in the toy, the needle comes out from mouth. These people will use your things and the words you tell them against you by telling it to others and bringing out the confidential issues for their own purpose.

Third toy, the needle does not come out from it. These kinds of people will keep the trust you have in them. They are the ones who you can count on.

Moral: Always stay in a company of a people who are loyal and trustworthy. People, who listen to what you tell them, are not always the ones you can count on when you need them the most.

QUVONCHIMNING CHEKI YO'Q

– Gapingirishni biladi? Ichida magnetofon bormi?

Anvar TOJIYEV

– Mana, qarang, Temur, sen gapirishni bilasanmi? – so'rabdi Ilhomjon.

– Men ro-bot-man! Me-ning is-mim Te-mur! Men ga-pi-rish-ni bi-la-man! Me-ni Il-hom-jo-n ya-sa-gan! Bog'-cha-da bo-la-lar bi-lan o'y-nay-man!

Bog'cha opa «Voy», degancha devorni ushlab

uxlaymiz, – deb chug'urlashishibdi bolalar. Nihoyat, bog'cha opa robotni bolalar bilan qolishiga ruxsat beribdi. Robotni o'yin zalining burchagiga qo'yishibdi. Bolalar unga shirinlik bermoqchi bo'lishgan ekan, Ilhomjon ruxsat bermabdi.

– Robot ovqat yeydimi? Men kashamni beraman, maylimi? – debdi bir bola.



Vali AHMADJON,
bolalar shoiri



(Davomi. Boshi 12-sonda)

Aziz bolajonlar! Bugun yana Ilhomjon va uning robot do'sti Temur haqida ertagimni davom ettiraman.

Esingizdami, Ilhomjon robot do'sti Temurni bog'chasiga olib borganida, ko'chada hamma ularga hayrat bilan qaragan edi. Ayniqsa, bolalarini bog'chaga olib ketayotgan ota-onalar qo'rqib, yo'l chetiga o'tishgandi.

– Voy, anavi nima? Ayiqmi? Yoki uchar raketami? – deyishdi odamlar.

– Bu – robot. O'zim yasadim! Gapingirishni biladi, – debdi Ilhomjon gerdayib.

Bolalar: – Uning joni bormi? Gapingirishni bilsa, o'zi yursa, joni bor ekan-a?! – deb robotga zavq bilan tikilishsa:

– Uni shunaqa yuradigan qilib yasadim, – deb javob qilardi Ilhomjon.

Har gal qo'limga qalam olib, bolajonlar haqida yozmoq istasam, beixtiyor quvonchlarga to'laman. Ularning tabiiy beg'uborligi, topqirigi, samimiy kulgarilari ko'z oldimga kelaveradi. Albatta, barcha bolaligini qo'msaydi, imkon bo'lsa, qaytmoq istaydi. Aytmoqchimanki, bu oltin pallani quvnoq, mazmunli o'tkazinglar.

BOLALAR VA BOBOLAR

(Hazil)

Bolalarning orzusi bir –
Katta bo'lish bobosidek.
Bobolarning orzusi sir,
Kichik bo'lish bolasidek.

Bolalar-ku, topib kamol,
Bir kun bobo bo'lishadi.
Bobolar-chi, surib xayol,
Qachon bola bo'lishadi?..

Bir ko'cha bola ota-onalari


bilan robotni kuzatib, bog'chagacha kelishibdi. «Bog'chaga bormayman», deya xarasha qiladigan bolalar ham robot ketidan yugurishibdi. Ularni ko'rgan bog'cha opasi Ilhomni koyibdi.

– Yana uyingdan o'yinchoq olib keldingmi? Sindirib qo'yishsa, yig'laysan. O'zimizda o'yinchoqlar yetarli-ku.

– Opa, bu robot. Uni o'zim yasadim.

– Robotmi, mashinami, dadang uyingga olib ketsinlar. Uyingda o'zing o'ynaysan.

– Opa, bu robot gapirishni biladi.



ILHOMJON VA UNING ROBOT DO'STI

(Sarguzasht ertak)

– U uxlaydimi? Xurrak otmaydimi? – deb so'z barmish ikkinchisi.

– Robot o'yinni biladimi? Birga o'yinga tushsak bo'ladimi? – qiziqibdi uchinchisi.

Xullas, kun bo'yi bolalar robot atrofida parvona bo'lishibdi. Hech kim o'yinchoq talashib, janjallashmabdi. Bolalar ovqatlarini vaqtda yeb, vaqtda uxlashibdi. Kechqurun Ilhomjon robotni yetaklab, ko'chadagi odamlarning hayratini oshirib qaytibdi. Bog'chada qilgan ishlarini onasiga aytib beribdi. Bu haqda esa keyinroq aytib beramiz.

(Davomi bor)

TINCHLIK YARASHAR SENGA



Ona yurt O'zbekiston,
Sen erursan beqiyos.
Bog'laring to'kin doim,
Hosilga kirar qiyg'os.

Quyoshing sadoqatli,
Hech charchashni bilmaydi.
Qishin-yozin nur sochib,
Sira minnat qilmaydi.

Serquyosh yurtim mening,
Tinchlik yarashar senga.
Tuproq'ingni sevishni,
O'rgatding doim menga.

Munisa JUMAQULOVA,

Navoiy viloyati, Karmana tumanidagi 14-umumta'lim maktabining 11-«A» sinf o'quvchisi

TULKI

Tulkini ayyor deb,
O'ylamang aslo sizlar.
Uning ayyorligidan,
Ibrat izlaymiz bizlar.

Himoya qilish uchun,
Bolalarin odamdan.
Tulki ayyorlik qilib,
O'ylab qo'yarkan qadam.



Saida ZOKIROVA,

po'yxatimizning Mirobod tumanidagi 213-umumta'lim maktabining 4-«A» sinf o'quvchisi

Men qo'ng'iroqman. Quvonchdan darak beraman. O'vozim shunchaki jarang emas. Xushxabar elchisiman. Yangrashimni hamisha kutishadi.

Taraddud ko'rishadi. Sadolarim oddiy bo'lsa-da, mo'jizaga o'xshaydi. Shodlik ulashadi. Hayajonlarning eshigini ochaman.

Qulog'ingizga doimo bir xil eshitilaman. Ammo maktabga ilk chorlovimdan o'zim ham titiroqqa tushaman. Bolalarning saboq daftarlari qatrlariga berkinib olgim keladi. Qalam tutgan – biroz toliqqan qo'lchalari meni kutadi. Yo'l'imni poylashadi. Sog'intirmayman. Chunki men ham kichikintoylar bilan o'ynagim keladi. Ularga qo'l'imni beraman. Shunday qilib, bolajonlar bilan do'st tutinaman. Kunma-kun inoqlashib ketamiz. Endi mening oddiy ovoz emasligimni ular bilishadi. Har jarangim yo'l ochadi. O'quvchilar bilimlari oshib, ilm pillapoyalaridan ko'tarilib boradi.

Maktabni mensiz – qo'ng'iroqsiz tasavvur qila olasizmi?! Biz ikkimiz chirmashib ketgan ildizlarmiz, aslida. Bag'rimizdagi bolalarning yutuqlaridan quvvat olamiz. Zafar quchgan bolalar meni qo'llarida tutadi. Boshi uzra ko'taradi. Shunda jarangim ohangraboga aylanib qoladi, go'yo!.. Davradagilar – hammasi a'lochi bo'lgisi, saflarning oldida turgisi keladi. Va ahd qiladi.

Maqsadlari tomon yo'lga chorlayman. Kuch beraman. O'ylashga, izlanishga yo'llayman. Qadrdonlarim fikrlarini jamlaydi. Qo'l ushlab, manzilga odimlaymiz. Mehnat va aql egizakka aylanadi. Kunlar, oylar o'tadi. Zafarlarning qadamlari eshitiladi. Shunda ikkimizning jarangimiz bir bo'ladi. Asta ulg'ayamiz! Ammo ovozim o'zgarmaydi... Shunday! Do'stlarim ko'p. Dunyoning eng qariyasi – VAQT eng yaqinim. Tinim bilmaydi, yo'lida davom etadi. Uning ortidan ergashaman... O'quvchilar sinovlardan o'tadi. Yozning qadami eshitiladi. Bolalar kuch-quvvat yig'adigan palla yaqinlashadi. Endi «So'nggi qo'ng'iroq» bo'lib jaranglayman. Do'stlarimning quvonchini ko'rib, o'zim ham qarsak chalaman. Mening ham ta'tilga chiqqim keladi. Qulog'imga to'rt tarafdan o'zimning ovozim – qo'ng'iroq quyiladi. Yana kimdir bolaligini, maktabini, ustozlarini eslagan shiviri eshitiladi. Qo'llarimni silkitaman: yangi o'quv yilgacha, qadrdonlarim!

JARANGIM YO'L OCHADI



Men qo'ng'iroqman. Quvonchdan darak beraman. O'vozim shunchaki jarang emas. Xushxabar elchisiman. Yangrashimni hamisha kutishadi.

Maqsadlari tomon yo'lga chorlayman. Kuch beraman. O'ylashga, izlanishga yo'llayman. Qadrdonlarim fikrlarini jamlaydi. Qo'l ushlab, manzilga odimlaymiz. Mehnat va aql egizakka aylanadi. Kunlar, oylar o'tadi. Zafarlarning qadamlari eshitiladi. Shunda ikkimizning jarangimiz bir bo'ladi. Asta ulg'ayamiz! Ammo ovozim o'zgarmaydi... Shunday! Do'stlarim ko'p. Dunyoning eng qariyasi – VAQT eng yaqinim. Tinim bilmaydi, yo'lida davom etadi. Uning ortidan ergashaman... O'quvchilar sinovlardan o'tadi. Yozning qadami eshitiladi. Bolalar kuch-quvvat yig'adigan palla yaqinlashadi. Endi «So'nggi qo'ng'iroq» bo'lib jaranglayman. Do'stlarimning quvonchini ko'rib, o'zim ham qarsak chalaman. Mening ham ta'tilga chiqqim keladi. Qulog'imga to'rt tarafdan o'zimning ovozim – qo'ng'iroq quyiladi. Yana kimdir bolaligini, maktabini, ustozlarini eslagan shiviri eshitiladi. Qo'llarimni silkitaman: yangi o'quv yilgacha, qadrdonlarim!

Gulchehra SHOMALIKOVA,
Toshkent viloyati, Parkent tumanidagi
25-umumta'lim maktabi o'qituvchisi

Bolalik - baxtning quchog'ida qvnnab yurgan totli damlarim. Uning shirin onlarini hanuzgacha sog'inib yashayman. Tog' yo'lida so'qmoqlar osha kezib yurgan kunlarim qaytishini istayman. Hayotning betakror darsini bobomdan olganman. Tog'ning uzundan uzoq yo'llari ko'nglimni tog' etgan. Ikki kecha-kunduz yayov bosib o'tiladigan u yo'llarda tinib-tinchimas qishloqdoshlarimning nurli dunyosi meni borliqqa mahliyo etgandi. Biz ulovlarimizni oldimizga solib, yuqorilab boraverardik-boraverardik, xuddi ertaklardagidek yo'ning oxiri ko'rinmasdi. Eshaklarimiz ham yukning og'irligidan bir amallab yuqoriga ko'tarilardi. Eh, men bilgan u bobolarning yurgan yurishi-yu turgan turishi katta dars edi. Ularning so'zlari zavqinga zavq, kuchingga kuch qo'shardi. Bugun qani imkoniyati bo'lsa edi... U chollar bilan chordona qurib bir maydon suhbat qursam, degan o'y tinimsiz xayolimdan kechaadi. Ammo endi kech, ularni dunyoning to'rt burchini izlab ham topolmayman.

BO'ZBOLAMI YOXUD QULOQCHINLI «QULOQSIZ»?

«Tog'lar ham qariydi» nomli hikoyalar to'plamimda bobom bilan bog'liq bo'lgan tog' yo'lidagi safarimdan parcha keltiram:

Bobom o'sha-o'sha kamgap. Turib-turib o'zicha xirgoyi qiladi. Xirgoyi qilganda ham so'zlarning salmog'i borini, yurakning tinchini buzadiganini topib aytadi. Yuraverganimdan mening qornim ochqaydi.

- Bobo, ozroq dam olaylik, och qoldim, - desam, u kishi miyig'ida kulib:
- Senga nima balo bo'lgan o'zi, bir zo'r mullani topib, bod o'qitishing kerak, - deydi.
- Och qoldik-da, bobo, - deya xurjunga qo'limni tiqaman. Bobomning dardi yangilanadi, bolaligini eslaydi...

- Bir paytlar tog' yo'lida otam bilan borayapmiz. O'shanda olti-yetti yoshdaman, ochlik yillari. Otamga sira yetib yurolmayapman, otam bir buloqning bo'yiga o'tirib oldilar-da, yonidan menga bir burda taxta kunjara chiqarib berdi. Men kunjaroni ishtaha bilan yeyishga tushdim. Bu payt otamning o'zi bir burda arpa nonini suvga botirib yeganiga ko'zim tushdi. O'shanda arpa noni ko'zimga dunyodagi eng noyob narsadek ko'rindi. Kunjara yeyishdan to'xtadim. Otamdan ozroq non berishini so'radim. Otamning g'azablanganini o'shanda ko'rganman. U kishi menga qarab:

- Sen yoshsan, hozir toshni yesang ham hazm qilasan. Men-chi, men... Bordi-yu, yo'lda sen ochlikdan yiqilib qolsang, men seni ko'tarib manzilga yetkazib boraman. To'g'rimi? Agar men ochlikdan yiqilib qolsam-chi? Sen meni hech qayoqqa olib borolmaysan. Negaki, sen yosh bolasan, kuching yetmaydi. Unda ikkimiz ham nobud bo'lamiz, uqdingmi?..

Mana, sizga ochlik bilan kurashib borayotgan



ota-bolaning mahzun holatidan bir lavha. O'sha zamonlarda yashash qanchalar og'ir kechganiga guvoh bo'ldingiz. Ota farzandini olis tog' yo'lidan omon-eson saqlab o'tishi uchun kurashadi. Sizning xayolingizdan ota-bolaga nisbatan ozroq oshirib yubormadimi, degan o'y kechadi. Ammo, nachora, hayot qozonida gohida mana shunday pishishga to'g'ri keladi...

Bu voqealarni yodga olishimning sababi, bugungi to'kin-sochin davr-u zamonlarda bolalarimizning qiynchilik ko'rmay ko'p narsalarga beparvo bo'lib borayotganidir.

U kun horib-tolib avtobusga chiqdim. Yo'lovchilar orasidagi sovuq manzara xayolimni ostin-ustin ayladi. Quloqlarida quloqchin taqqan ayrim «quloqsiz» o'g'il-qizlarimiz yoshi kattalar oldidagi mas'uliyatini butunlay unutib yuborganga o'xshardi. Aksariyat yoshlar o'tirib, yoshi ulug'lar oyoqda turib borardi.

Bobolarimiz bizga, sen endi bo'zbola bo'lib qolding, deya murojaat qilardi. Bo'zbola degani, kundan kun kuch-quvvatga to'lib borayotgan, chamasini o'n ikki-o'n yetti yoshlarda bo'lgan o'smirlarga nisbatan qo'llaniladi. Bo'zbola hayotning to'qnashuvlariga qarshilik qila oladigan, emin-erkin fikrlaydigan o'spirinlarga nisbatan qo'llaniladigan so'zdir. Men negadir o'shanday bolalar o'rnida o'zini tutishni bilmaydigan axloqi ham haminqadar bo'lgan bez bolalar ko'payib borayotganidan tashvishlandim.

Ularning ko'p narsaga aqli yetsa-da, yuzingga bezrayibgina qarab o'tirishadi. Nigohingning otashiga dosh berolmasa, beixtiyor telefonini titkilashga tushadi.

Aziz o'quvchi! Yuqoridagi voqealardan to'g'ri xulosa chiqarib, hamisha bo'zbola bo'lib qolishni unutmang!

Hayot maktabidan ibrat ol!

BAYRAMINGIZ BILAN, KICKINTOYLARIM!

Har yili nishonlanajak Xalqaro bolalarni himoya qilish kuni kichkintoylar bilan bir qatorda meni ham juda hayajonlantiradi.

Men shunday quvonchli kunda ular uchun bayram tadbirlarini tashkillashtirish bilan birga ularni bolalar gazetasi orqali qutlashni rejaladim. Tarbiyalanuvchilarim yangidan yangi voqea-hodisalarni o'rganishga juda qiziqishadi. Turli musobaqalarda epcilliklarini ko'rsatishga harakat qilishadi. Men esa ularni ota-bobolarini tanigan avlod qilib tarbiyalash maqsadida bir safar Xotira maydoniga olib borsam, keyingi safar tabiat qo'yniga olib chiqaman. Yaqindagina tumanimizdagi maktabgacha ta'lim muassasalari tarbiyalanuvchilari o'rtasida o'tkazilgan sport musobaqasiga bordik.

Shartlar davomida bolajonlarimning zukko, chaqqonliklarini kuzatib quvondim. O'z mahoratlarini ko'rsatgan kichik sportchilarimni «Balli», deya o'lqishladim. Endi esa ularni ta'lim maskanimizda tayyorlab qo'yilgan ajoyib bayram dasturi kutmoqda. Fursatdan foydalanib, «Bayramingiz bilan mening quvnoq, ko'zlari porloq bolajonlarim», deya ularni bag'rimga bosgim keldi.



Muhabbat DEHQONOVA, poytaxtimizning Yashnobod tumanidagi 11-maktabgacha ta'lim muassasasi tarbiyachisi

SPORTSEVARLAR SAFI KENGAYDI

Men o'quvchilarimga ta'lim berishdan tashqari ularni sportga qiziqtirishga harakat qilaman.

1-«F» sinfimizda shaxmat to'garigiga qatnashib, qisqa vaqt ichida bir qancha yutuqlarga erishgan o'quvchim Abdudohid Urolov bilan o'zim ham tez-tez shaxmat o'ynab turaman. Sinfda musobaqalar uyushtiram. Matematika fanini a'lo o'zlashtiradigan Abdudohid uch-to'rt yurishdayoq raqibini mot qiladi. U o'smirlar o'rtasida o'tkaziladigan turli musobaqalarda g'oliblikni qo'lga kiritayotgani bois barcha sinfdoshlari unga havas qilishadi.

Yana bir o'quvchim Malohat Xudoyberdiyeva esa tumanimizdagi bolalar va o'smirlar sport maktabining badiiy gimnastika to'garigiga qatnashadi. Bu o'quvchim ham qator yutuqlarni qo'lga kiritib kelmoqda. Bugungi kunda sinfimda sportsevar bolajonlarning safi yanada kengayib borayotganidan juda xursandman.



Tamara AHMEDOVA, Toshkent shahar, Sergeli tumanidagi 300-DIUM o'qituvchisi

AXTAMQULI

BO'SH O'TIRMAI, BOSH QOTIR!

Quyida ta'riflari bayon etilgan nomlar shakldagi «Xon» so'zi bilan boshlanadi.

1. Xorazm viloyati tumani. 2. Xamirli tansiq taom. 3. Yaponiya avtomobili markasi. 4. Uyda tayyorlangan narsa, boqilgan jonivor. 5. Amudaryo vohasidagi qo'riqxonalarda yashovchi kamyob jonivor, Buxoro bug'usi. 6. Yaponiya tarkibidagi eng katta orol. 7. Ashula ijro etuvchi san'atkor. 8. Masjid binosi qismi. 9. Solomon orollari davlati poytaxti. 10. Andijon viloyatidagi shahar. 11. Tanasi yarimshar shaklidagi, ustki qismida xollari bor yarqiroq tusli hasharot. 12. Oila a'zolari yashab turgan xo'jalik. 13. Alisher Navoiy, Zahiriddin Muhammad Boburlarga zamondosh bo'lib hamkorlikda faoliyat olib borgan tarixchi. 14. Sakkiz tepkili, a'lo navli milliy ipak mato. 15. Hozirgi Forish tumani yaqinidagi X asrga mansub qadimiy suv ombori. 16. Ozarbayjon Respublikasi tarkibidagi Tog'li Qorabog' markazi hisoblanuvchi shahar. 17. Ro'zg'or buyumi. 18. Qirg'iziston hududida joylashgan Markaziy Tyan-Shan tog'laridagi cho'qqi. 19. Yosh tomoshabinlar teatrida uzoq yillar faoliyat olib borgan ustoz san'atkor, O'zbekiston xalq artisti. 20. Toshkent shahridan janubda, Chirchiq daryosining o'ng sohilida joylashgan qadimiy shahar xarobasi.

Topshiriq: shaklning o'ng tomonidagi raqamlar juftini (birinchisi – so'z, ikkinchisi – harf tartibini anglatadi) javoblardagi harflar bilan almashtirish orqali topshiriqni hal eting. Bunda ulardan qatorlar va bo'yiga o'qish orqali «xon» so'zi bilan tugallangan to'rtta o'zbek xalq dostonlarining nomini bilib olishga muvaffaq bo'lasiz.

Tuzuvchi:
Foziljon ORIPOV

1	Xon		**	17/6	12/6	5/6	**	2/5
2	Xon		**	3/4	20/4	13/8	**	6/6
3	Xon		*	9/1	10/4	18/6	**	9/6
4	Xon			****		**	**	20/6
5	Xon			****		8/7	**	3/4
6	Xon			**	**	1/5	**	19/1
7	Xon				**	6/4	**	10/4
8	Xon				**	4/4	**	12/7
9	Xon				**	12/5	**	**
10	Xon				**	13/1	**	11/6
11	Xon				**	8/4	**	16/5
12	Xon				**	18/6	**	19/11
13	Xon					**	**	15/5
14	Xon					****		18/8
15	Xon					****		7/1
16	Xon					****		10/6
17	Xon					****		18/6
18	Xon						**	**
19	Xon							
20	Xon							

Pazanda qizga!



Aziz kichik bekalar!
Ro'za ayyomi bo'lgani uchun oilangizdagilarga to'yimli taom pishirib berib, ularning ko'nglini olishni istaysizmi?
Bugun sizlarning taomnomangiz yana bir yangisi bilan boyiydi.
Agar tayyor bo'lsangiz, unda, boshladik.

Taom uchun bizga: 1 kilogramm tovuq filesi, 5 dona kartoshka, 3 dona pomidor, 200 ml sut, 2 dona piyoz, 2 dona tuxum, 200 gramm qattiq pishloq, 3 bo'lak sarimsoqpiyoz, 3 oshqoshiq smetana, 4 oshqoshiq o'simlik moyi, pishiriq qog'ozi (folga), tuz, murch, ko'katlarni ta'bga ko'ra solasiz.

TOVUQ GO'SHTIDAN MAZALI TAOM



Tayyorlanishi: tovuq go'shtini o'rtacha kattalikda to'g'rab, tuz, murch qo'shib, sutga bo'ktirami va 1 soat muzlatgichga qo'yamiz. Kartoshkani somoncha shaklida to'g'rab, tuzli suvga solib qo'yamiz. Piyoz, ko'katlarni o'rtacha kattalikda to'g'raymiz. Endi folga qog'ozini taxlab, uni dumaloq shaklga keltiramiz va unga to'g'ralgan masalliqni hamda muzlatgichdagi tovuq go'shtini solamiz. Uning ustiga to'g'ralgan pomidorlarni, so'ngra eng ustiga qirg'ichdan o'tkazilgan pishloq va sarimsoqpiyozni solamiz. Ana endi uni 180 darajali haroratda qizdirilgan gaz pechiga 40 daqiqaga qo'yamiz.

Tayyor taomni lipochalarga solib, bodring va pomidorlar bilan bezatamiz.

Yoqimli ishtaha!

NARGIZA tayyorladi

Tong yulduzi
Muassis:
O'zbekiston Respublikasi Xalq ta'limi vazirligi

Bosh muharrir
Feruza ADILOVA

Gazeta O'zbekiston Matbuot va axborot agentligida
0208-raqam bilan 2007-yil 2-fevralda ro'yxatdan o'tgan.

TAHRIR HAY'ATI:
Qahramon QURONBOYEV,
Dilshod KENJAYEV,
Murtazo SULTONOV,
Feruza JALILOVA,
Ashurali JO'RAYEV
(Bosh muharrir o'rinbosari),
Feruz MATYOQUBOV
(mas'ul kotib)

Navbatchi muharrir
Nodira NAZAROVA

Rassom
Feruzbek KAMOL o'g'li

Sahifalovchi-dizayner
Shaxobiddin
MAXMADIYEV

«O'zbekiston» NMTU bosmaxonasida chop etildi.
Gazetaning poligrafik jihatdan sifati chop etilishiga bosmaxona mas'ul.
Manzillimiz va bosmaxona manzili: Toshkent shahri, Navoiy ko'chasi, 30-uy. Indeks: 100011.
Obuna indeksi: 198.
www.tongyulduzi.uz
e-mail: tongyulduzi1929@gmail.com
telegram: t.me/tongyulduz
Adadi – 14139
Buyurtma – V 3445

Tahririyatga kelgan barcha qo'lyozmalar tahrir qilinadi, mualliflarga qaytarilmaydi.
Gazetaning yetkazib berilishi uchun obunani rasmiylashtirgan tashkilot javobgar.
Shakli A-3, 2 bosma taboq.
Bahosi kelishilgan narxda.
Gazeta haftaning dushanba kuni chop etiladi.
Topshirish vaqti – 18:00
Topshirildi – 18:00
Tel./faks: (99871) 244-63-08